



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

LXI. Englike vnd Albrecht, Vater vnd Sohn, von Warborgk vorkauffen dem Closter Himmelpforten Eyne Hufe Landes Im Dorff Werbende für Sechtzik Mark Vinkenogen u. s. w.

Nutzungsbedingungen

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

LX. Ein brief Haffo Warborks, Dorinne er dem Clofter vorkaufft VI schilling Pacht vff ein hof zu Werbende, dorzu di gerechtikeit am Schultzengericht dafelbst für 14 Mark vinkenogenn.

Vor allenn Christenn ludenn, de dessenn brieff seenn edder horenn lesenn, Bekenne Ick Haffo Warborch, datt Ick mitt wolbedachtenn mude hebbe vorkofft dem Abbete tho der Hemmelporte vnnnd sine Conuenthe alsodan gutt, also Ik hadde to Werbende, Alse fofs schilling pacht, dede ligghenn vppe dem haue, dar nu vppe wandt Claus Wegener, vnnnd wefs Ik hadde Ann denn Schultenammete, so datt Ich der nicht beholde Inn deme dorpe, noch ann deme schul-
tenn, noch ann kerklenn, noch pacht, noch dinft, noch Jengherleye dink. Ditt hebbe Ik deme Abbete vnd sine Conuenthe vorlathenn vnnnd vorkofft vor vertein mark penninge vinkenogen munte woll bereit vnnnd betalett. Auer dessenn kope hebbenn gewesenn de duchtigenn Lude: Bolde Prigniffe vnnnd Henningk Barstorp. Tho tuge deser vorschreuen dingk so hebbe Ik Haffo Warborch min Ingefegell lathenn hengen ann dessenn brieff, de geuenn vnd schreuen Ihs na Godefs borth vierteinhundert Jar, darnah Inn deme neghenteindenn Jare, Inn deme daghe Gregorii, des hilgenn pawefefs.

Diser brief ist Collationiret vnnnd vorgleicht sich mit seinem Rechten Pergamenen Original von wort zu wort, Dass betzeuge Ich Erasmus Seydell, Notari, mit diser meiner eigenn handschrift.

LXI. Englike vnd Albrecht, Vater vnd Sohn, von Warborgk vorkauffen dem Clofter Himmelpforten Eyne Hufe Landes Im Dorff Werbende für Sechtzik Mark Vinkenogen u. f. w.

Vor allenn Christenn Ludenn, die dessenn brieff seenn edder horenn lesenn, Bekenne wie Engelke vnnnd Albrecht, vater vnnnd sone, gehetenn Warborge, wonastich to Bellin, datt wie midt vorbedachtem mode vnnnd mitt gantzenn vrigenn willenn nach Radt vnser vrunde hebbenn vorkofft tho einem ewigenn kope recht vnnnd redelikenn vonn vnser vnnnd vnser eruenn we-
genn deme Erwerdigenn geistlikenn hern, hernn Arnde, Abbete, vnd deme Conuente des Closters tho der Hemmelportenn eine huue, de wie haddenn tho Werbende, de nu bewonett vnnnd buwett Hanfs Ghise, vor söstich mark vinkenogenn penninge, de vnfs de vorbenomedenn herenn woll bereidett hebbenn, dar wie vnfern vrommen mede geschafet vnde vnfern schedenn mede gewerett hebbenn. Desse vorschreuen huue hebbe wie Engelke vnnnd Albrecht vorbenannt denfuluen hern vnnnd der Hemmelportenn vorlatenn ewiglikenn vnd brucklikenn tho besittende vnnnd tho hebbende mitt dinfie, midt richte, Also datt wie dar nicht an beholdenn, noch an deme Schultenn, noch an deme kerklene, vnnnd vorlatenn sie en midt alleme rechte, Alse vnse vater vnfs de geeruet hefft, de se Inn rechtenn wehenn vnnnd Inn sine leene hadde vonn dem vorbenumbdenn Godeshufs der Hemmelportenn, vnnnd wie die ock desglickenn na sine dode erslikenn vnnnd vredelikenn besetenn vnd gehadt hebbenn In leene vnd In rechtenn wern wente an desse tidt, dar wy sy Im vorlathenn hebbenn, alse vorschreuen Ihs. Vnnnd wie Engelke vnnnd Albrecht vorbenumbt willenn denn ergenanten hernn vnnnd der Hemmelportenn derfuluen huue eine rechte were sin vnnnd vnse eruenn na vnfs vor alle die Jenen, denn an rechte nuggenn schall. Ouer desseme vorschreuen kope hebbenn gewesen de Erwerdige lude Her Hinrick Paschedach,

Ridder, Henning Pafchedach, sin Bruder, Her Hinrick Cok, prifter. Tho orkunde vnd tho merer bewifunge deffer vorschreuen ding, datt die stede vnd vaste bliuenn tho ewiger tidt. So hebbe Ick Engelke, vater, vnd Albrecht, sone, vorbenömet, geheitenn Warborge, houetlude deffels vorschreuen kopels, vnse Ingefegle wtlkenn lathenn hengenn ann deffenn brieff, de geuenn Ifs na Godefs borth verteinhundert Jar, In deme vir vnd twintegstenn Jare, In deme dage funte Barbaren, der hiligenn Jungvrowenn.

Dise obgeschribene Copej ist Collationiret vnd auscultiret, Vorgeleicht sich auch mit Irem Rechten Pergamenen Originali allenthalben, Dass betzeuge Ich offgemelter Notari E. Seydell mitt diser meiner eigenen Handschrift.

LXII. Ein Widerkaufsbrief Lyppoldt Beerfs, Dorinne er dem Clofter vorkaufft Einen hof vnd zwen hufenn Im dorff Werbende mitt X Mark Pacht, Item noch 15 schilling vff einem andern Hof, Item noch 6 schilling vff einem koffaten hof fur 123 Mark Vinkenogen.

Ick Olde Lippelt Bere, Knappe, wonastlich tho deme Roddelin, Betuge vnd bekenne In deffeme Jegenwerdegen Breue, datt Ick mitt minenn rechtenn eruenn vnd wolbedachtenn mude hebbe verkofft rechtens redelkenn kopels deme geistlikenn hern, Her Arnde, Abbete, vnd deme Conuenthe deff Closters tho der Hemmelporte einenn hof vnd twe huenn mitt aller rechticheitt, dar vppe ligghenn tein mark pacht, Inn deme dorpe tho Werbende, dor nu vppe wonett Dinnehels Vofs, vnd vestein schillinge vppe deme houe, dar nu vppe wonett Jacob grube, vnd sofs schillinge vppe deme kotenn, dar nu vppe wonett Hans Ditmer. Desse vorbenumde pacht vnd penninge scholenn deffe vorbenumbdenn hern börenn vann deffenn vorschreuen Ludenn vnd vann allenn örenn nakamelingenn tho allenn funte Mertens dagenn vnd vte denn vorbenumbdenn houenn vnd kotenn tho pandende, wo vakenn en deff noth vnd behuff Ifs, sunder Jenegerleie ansprake miner edder miner eruenn, vnd scholenn dit vorbenumbt gut hebben mitt alleme rechte, mitt dinste, mitt bede vnd richte, alse datt min vater mie geuert hefft, vnd mie vnd minenn eruenn hir nicht ann tho beholdende, sunder di losinge, vnd scholenn em deff eine wehre wessenn vor alle denn Jenenn, die vor recht kamenn willenn. Vor ditt vorschreuen gudt hebbenn sie geuenn mie hundert mark vinkenogenn penninge vnd drie vnd twintich mark derfuluen munthe, die sie my all vnd tho dancke ann guder munthe woll bereth hebbenn vnd an minen nuth vnd vrommenn vnd miner eruen gekomenn. Vnd wann Ick edder mine eruenn dit vorbenumbt guth wedder losenn edder kopenn willenn, datt scholenn wie deffenn vorbenumbdenn hernn deme Abbete vnd deme Conuenthe tho der Hemmelporte oper kundeghenn ein half Jar tho vornn vor funte Michels daghe, vnd geuenn en denn tho deme negestenn funte Mertens dage darnah denn houetstull mitt der pacht, alse hundert mark vinkenogenn penninge vnd dre vnd twintich mark derfuluenn munthe an ener summe to einer tidt alsodaner munthe, alse denne to der tidt genge vnd geue Ifs Inn deme Lande tho oldenn Stargardt. Ock schall Ick edder mine eruenn binnenn tein Jaren ditt vorbenumbt gut nicht löfenn edder yfpeggenn tho losende. Tuge hebbenn hirouer gewessenn bederue lude: Her Hinrick Cuffowe, Her Henning Osterwelt, prifter, Albrecht vonn kerkow vnd Ludeke kratz, knapenn. To tuge vnd groter bewarynge so hebbe Ick olde Lippoldt Bere vorbenumbt mitt willen vnd witschop min Ingefegell lathenn hen-